

Edgar Cantieni : 17 december 1911 - 2 october 1981

Autor(en): **Arquint, Jachen Curdin / Cantieni, Edgar**

Objektyp: **Article**

Zeitschrift: **Annalas da la Societad Retorumantscha**

Band (Jahr): **95 (1982)**

PDF erstellt am: **22.06.2024**

Persistenter Link: <https://doi.org/10.5169/seals-234388>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Edgar Cantieni

17 december 1911 – 2 october 1981

Cur cha, dal 1976, la Società Retorumantscha ha stuvü acceptar la demischiun da v. dir. Giacomo Steinrisser sco revisur da quint, ha la suprastanza gnü la furtüna da chattar ün degn successur illa persuna dad Edgar Cantieni, anteriur directur da l'uffizi da schec postal a Cuaira. Ma fingià dal 1979 ha Edgar Cantieni giavüschà da gnir schlubgià da quista incumbenza. Disturbis da circulaziun nu til permettaiva plü dadispuoner da sias forzas sco ch'el laiva. In settember dal 1981 s'ha'l stuvü suottametter ad ün'operaziun pervi dal mal da la peidra. Seis corp, indebli, nun es plü stat bun da vendscher üna cumpliacziun. Quel hom, plüchöntschi majer, grond, cun trats fins, cul far quiet e retgnü vaiva tut cumgià da quist muond.

Edgar Cantieni d'eira nat als 17 december dal 1911 a Samedan, ingio cha seis bap, Robert Cantieni, in quels ons, faiva l'administradur da l'ospidal. Las pitschnas entradas da sia lavur sco dirigent da cors, sco magister da musica e sco cumponist nu tendschaivan per nudrir la famiglia. Quai sarà eir stat il motiv chi ha indüt al bap, plü tard, da

manar üna giardinaria a Scuol ed a Susch. Uschea ha il giuven Edgar vivü fin a l'età da 10 ons in Engiadina. La müdada a Cuaira, dal 1921 – il bap d'eira gnü tschernü quel on sco magister da musica a la Scuola chantunala – sarà stat ün evenimaint. Ma exteriurmaing nu sarà ble-run stat oter. La lingua natüralmaing. Ma uschigliö sumagliaiva la vita in cità quella jada a quella sül pajais. Tant a la Salisstrasse ingio chi vaivan il prüm ün' abitaziun co al Scalettaweg pudaivan ils mats gio-dair la libertà. I giovaivan a la balla ed a ballapè sülla prada. Ils paur, tuot tenor as varan grittantats, ed Orlando ed Armon, Edgar e Räto varan eir els qua o là gnü da far e mütschir per nu tschüffer üna intuorn las uraglias. Cha Edgar d'eira il plü viscul da tuots, il plü sfar-fat.

Davo fini la scuola secundaria ha'l fat duos ons commerzi a la Scuola chantunala. Lura – sün cussagl dal bap – s'ha'l decis pella carriera d'hotel. El ha lavurà a Geneva, a Londra, a Turich ed a San Murezzan. Ma quista lavur nu satisfaiva dal tuot al giuven chi fingià da mat vaiva jent da passantar seis temp cun ingiavineras e cun quints cumplichats. La crisa economica varà facilità la decisiun da müdar professiun. Dal 1931 lavura'l pro la Danzas a Buchs e davo va'l pro la posta. Seis giarsunadi ha'l fat là ingio ch'el vaiva passantà si' infanzia: a Scuol ed a Samedan. Davo è'l stat impiegà a Ragaz, a Glion, a Tavo ed a Cuaira. Adüna nu til esa i liger. Il servezzan da posta da viafier til d'eira ün chalch, perche chi til gniva mal cun viagiar. Ma el nun ha pers il curaschi. Grazcha a sias cugnuschtschas da lingua, grazcha eir a seis bun möd da trattar culs collavuratuors è'l bainbod gnü tschernü sco administradur da la posta da viafier a Cuaira e dal 1958 sco direc-tur da l'uffizi da schec postal. Pervi d'ün infarct dal cour s'ha'l stuvü laschar pensiunar ün on avant co avoir raggiunt l'età da 65 ons.

Sper sia actività professiunala s'ha'l dedichà a sia famiglia – dal 1939 as vaiva'l cumpagnà in lai cun Gertrud Nohl – e cultivà seis duns artistic.

Fingià bod cumainza'l a s'exprimer pitturond. Il prüm sun quai cuntradas, acts, natüras mortas. Daspö il 1974 es sia pittura tuot in üna jada na-figürativa. La tscherna da las fuormas para però da muossar in üna direcziun: id es sco sch'el tscherchess d'elavurar la realtà da sia malatia cul mez da la pittura.

Üna buna part da seis dun da pitturar realisescha'l eir in quai chi's pudess nomnar grafica decorativa. El fa inscripziuns decorativas da

bellezza, per exaimpel pels cembalos da seis neiv Roman, el disegna albers genealogics, el decorescha cartas da gratulaziun.

La vart musicala cultiva'l il prüm plüchöntsch in möd d'auditur. El es il prüm illa famiglia da Robert Cantieni chi ha ün grammofon. Sur sia discoteca as fuorma'l üna vasta cultura musicala. E lura, tanter il 1975 ed il 1980 cumpuona'l ses chanzuns sün basa da texts rumantschs.

La vart artistica dad Edgar Cantieni es restada il prüm per uschè dir privata. Pür ils ultims ons – davo ch'el nu d'eira plü activ in sia professiun – s'ha'l permiss da tilla manifestar eir ad ün public plü vast.

In listessa maniera, in seis möd retgnü, ha'l in seis ultims ons renovà il contact cul rumantsch, dond perdütta da quai illas chanzuns ch'el ha cumponü.

Nus eschan grats ad Edgar Cantieni per quai ch'el ha dat e til tgnaran in grata memoria.

Jachen Curdin Arquint